



الحمد لله وأشهد أن لا إله إلا الله وحده لا شريك له، وأشهد أن محمدًا عبده ورسوله صلى الله عليه وسلم، أما بعد:

اللايف سَمَناه رُوحى فداك يا رُسُولَ اللَّهِ ﷺ.

النهارة جايين بعد القصة الأخيرة اللي حصلت و أثارت ضجة كبيرة وهو مقطع أنتشر لهذا القِص الهالك

(زكريا بَطرس X) اللي اتعرّض فيه لمقام النبي ﷺ، وهو مش أول مرة يعمل كده، ده أكثر من ١٥ سنة بيعمل كده وهو شخصية

منبوذة مجهولة يمكن محدث بيتفرج عليه
والكنيسة نبذته وأستعرت منه ونسبته إلى
الشؤذ و ما نحو ذلك.

لكن اللي حصل إن هذا الحدث لم نخلقه ولم
نُوجدّه ولكن أنتشر خلاص حتى لو كان
الشخص مجهول أو كان الحدث بيتكرر كثير
والإهمال أحياناً بيكون أنفع ليه ولكن خلاص
إحنا بنتكلم في حاجة انتشرت ووصلت لي كل
الناس وبدننا بفيديو سمعناه وسمعته الناس
والعوام سمعته لعنة الله عليه.

(زكريا بَطرس ✕) أنا بسأل سؤال دلوقتي
إزاي حاجة زي كده عامة وانتشرت وأثرت
إزاي أنا متفعلش معها؟

أحياناً بعض الناس بتقول: "أميتوا الباطل
بالسكوت عنه"

الكلام ده لو هو مُنزوي وأنا لو أتكلمت
هنشره، لكن هنا هو اصلاً خلاص انتشر وبقى
ليه أثر والناس كلها بتتكلم عنه وأنا غضبان
فعلاً، فـ إزاي أنت تقولي أسكت وإننا
منتكلمش!!!

لا شك إن الكلام هو الصح في الموقف ده
وزي ما هنقول دلوقتي..

هو الكلام مش فكرة الرد على زكريا
بُطرس أو أشتموا وبتاع مش دي الفكرة،
الفكرة إن أنا أستثمر الموقف ده أحسن أستثمر
وأحاول أطلع منه بأكبر فوائد مُمكنه، وأنت لا
تملك في هذا الوقت إلا إن تتفاعل، يعني لو أن

أحد سبَّ أباك مثلاً هل ستسكت وتقول سأُميت
هذا الباطل بالسكوت عنه؟!!!

-خاصةً إن كل الشارع سمع وكل الدنيا سمعت
إن فلان سبَّ أبوك، إزاي بعد كده هتقول مش
هتكلم و مش هرد و مش هتكلم عن عرض
أبي عشان الموضوع ميكبرش طب ما هو كبر
بالفعل و الشارع كله سمع إذا كنت مش
هتسكت عن حق أبيك

فكى ستسكت عن حق النبي ﷺ!

البعض هيقول ما هو النبي ﷺ كان بیسامح في
حياته و كان بیسامح اللي كانوا بیسبوه...

أولاً :- هذا في خطأ من وجهين:

الوجه الأول

إن النبي ﷺ مش كل من أذاه سامحه ودي نقطه
مهمه جدًا، النبي ﷺ مر بمرحلتين،

■ المرحلة الأولى:

أنه كان أصلاً مُستضعف، بمعنى أنه غير قادر
على الانتقام في الموقف في الحالة دي كما
أمره الله في الآية:

﴿فَاعْفُوا وَاصْفَحُوا حَتَّى يَأْتِيَ اللَّهُ بِأَمْرِهِ ۚ إِنَّ
اللَّهَ عَلَى كُلِّ شَيْءٍ قَدِيرٌ﴾

فكان هذا ما قادر على فعله النبي ﷺ وهو العفو
والصفح لأنه كان غير قادر على الانتقام،
وبعد ما مُكِّن النبي ﷺ في المدينة ماذا فعل في

مَنْ سَبَّه؟!

ماذا فعل في *ابو جهل، وعقبة بن أبي مُعيط،
والناضر بن الحارس، وأبي بن خلق، وأمّي
بن خلف؟؟!*

لا شك إن النبي ﷺ انتقم منهم لما تمكنوا من
مكة، ودي

■ المرحلة الثانية:

وهي إنه كان ﷺ حتى بعد التمكين كان
يسامح بعض الأحيان!!

فإذا (المرحلة الأولى) مكش النبي ﷺ قادر
على الإنتقام، وفي (المرحلة الثانية) كان قادر
على الإنتقام و كان ينتقم ممن كان أشد أذاه،
يعني كان ممكن يسامح واحد حصل منه مرة
أذى أو لأن الشخص ده دي مش عادته أو

مبلغش أذاه المنتهي، لكن اللي أذاه أشد مكنش
بيسامحه.

لازم نفهم السيرة صح ولازم نفهم مواقف
النبي ﷺ، ونفهم إمتى كان بيسامح وإمتى كان
مش بيسامح.

النبي ﷺ قام للصحابة -رضي الله عنهم- يومًا
وقال

من يكفيني كعب بن الأشرف؟

كعب بن الأشرف فإنه قد بلغه من أذاه
المنتهى، يعني هو أذى النبي ﷺ جدًا ويكثر من
السب جدًا له، فالنبي ﷺ يقول من يكفيني كعب
بن الأشرف؟

طبعًا أنتم عارفين أنه قام محمد بن مسلمة -
رضي الله عنه وأرضاه- وقال أنا أكفيك إياه يا

رسول الله، ومحمد بن مسلمة قام بعملية
إغتيال لكعب بن الأشرف وقتله في قصة
مشهورة جدًا.

دائمًا إحنا بنشوف النبي ﷺ فتح مكة وبنتكلم
بقى عن عفو النبي ﷺ .. ورحمته .. واذهبوا
فأنتم الطلقاء .. والكلام ده، في الموقف ده
النبي ﷺ في حاجة كمان عملها وهي إيه؟

وهي إن في ناس مسامحهمش رغم اذهبوا
فأنتم الطلقاء وأنه عفى عن الناس كلهم، لكن
النبي ﷺ فيه ستة لم يأذن بالسماح لهم، ولم يأذن
بالعفو عنهم، قال أربع رجال واثنين نساء، لو
شوفتهم في أي مكان اقتلوهم ولو وجدتموهم
متعلقين على أستار الكعبة؟ برضو اقتلوهم
وكان منهم عكرمة بن أبي جهل وعبدالله بن

أبي الصالح وعبدالله بن خطل ومقيس بن
صباية وكان فيه اثنين من النساء.

إذا هو معفاش عن دول ليه؟

لأن دول اشتد أذاهم جدًا على النبي ﷺ فالذي
يشد أذاه على عليه ﷺ الأصل أننا ننتقم منه؛
لأن هو ده الصبح العفو عنه يكون هو ده
الخطأ؛ لأن العفو عنه عفو عن واحد اشتد
إجرامه، وده بلا شك مفسدة كبيرة ويتجرأ
غيره..

أما الانتقام منه فلا شك إن هو ده الصبح، إحنا
دلوقتي عارفين يعني إيه يفهم من السيرة وهو
فعلا المنطق بيقول كده أن اللي يشد أذاه لابد
إن يُنتقم منه يعني، بغض النظر عن زكريا
بطرس وإحنا نقدر نعمل إيه أو ما نقدرش
نعمل إيه، عاجزين ولا قادرين، بس أنا بتكلم

كأصل مهم بَرُد بيه على بعض الناس اللي لما الموضوع ده حصل قعد يقول لك أصل المفروض العفو والنبي كان ببسامح ونسكت عن الموضوع والكلام ده، الموضوع انتشر وزكريا بطرس اشتد أذاه فليس من الحكمة أبداً التسامح معه ولا التساهل بل ينبغي أن هو يُنتقم منه ويطعن فيه كل حاجة، ينبغي أن إحنا نوذيه بها ويتعرض بها للأذى انتقاماً للنبي ﷺ، تمام يبقى دي المسألة الأولى.

المسألة الثانية:

وهي إن البعض بيقول يا جماعة بدل ما تدعوا عليه ادعوا له، ده النبي ﷺ كان بيدعي للكفار وبيدعي للي خلفوه، ودعي لفلان ودعي لفلان، ده برضو من الحاجات اللي فيها خطأ، يعني

إحنا نفس الكلام لازم نفهم السيرة صح هل
النبي ﷺ أي حد بيأذيه بيدعي له؟

لا مكنش حصل كده، إحنا شوفنا في السيرة إن
النبي ﷺ لما عقبة بن أبي معيط وضع سلل
الجزور على ظهر النبي ﷺ جاءت فاطمة
وأزاحت سلل الجزور من على ظهر النبي ﷺ،
وبعد كده قام النبي ﷺ ودعي على أناس
بأسمائهم قال: اللهم عليك بأبي جهل، اللهم
عليك بعقبة بن معيط، اللهم عليك بأبي بن
خلف، وعتبة بن ربيعة، وشيبة بن ربيعة..

الصَّحَابِي يَقُول مَا رَأَيْت أَحَدًا دَعَى عَلَيْهِ
النَّبِيَّ ﷺ إِلَّا وَهُوَ مَقْتُولٌ فِي غَزْوَةٍ بَدْرَ، إِذَا فِي
نَاسٍ دَعَى عَلَيْهِمُ ﷺ تَمَامٌ؟

وموسى -عليه السلام- نفسه اللي هو أصلا
ربنا سبحانه وتعالى في أول ما أرسله إلى

فرعون ﴿فَقُولَا لَهُ قَوْلًا لَّيِّنًا لِّعَلَّهُ يَتَذَكَّرُ أَوْ يَخْشَى﴾ قال له قل له إيه؟ قولاً ليناً لعله يتذكر أو يخشى، طب موسى -عليه السلام- هو نفسه في آخر قصته مع فرعون قال إيه؟

﴿رَبَّنَا إِنَّكَ آتَيْتَ فِرْعَوْنَ وَمَلَأَهُ زِينَةً وَأَمْوَالًا فِي الْحَيَاةِ الدُّنْيَا رَبَّنَا لِيُضِلُّوا عَنْ سَبِيلِكَ ۚ رَبَّنَا اطْمِسْ عَلَى أَمْوَالِهِمْ وَاشْدُدْ عَلَى قُلُوبِهِمْ فَلَا يُؤْمِنُوا حَتَّى يَرَوْا الْعَذَابَ الْأَلِيمَ﴾

طب إزاي ده موسى اللي اتقاله قول له قولاً ليناً هو نفسه دلوقتي اللي بيقول يارب اطمس على أموالهم واشدد على قلوبهم فلا يؤمنوا حتى يروا العذاب الأليم..؟

نقول هناك فرق، امتى اتقال ده لموسى -عليه السلام-؟ اتقاله في بداية دعوة فرعون قولاً له

قولاً لينا لعله يتذكر أو يخشى، طب موسى -
عليه السلام- دعا عليه إمتى؟

دعا عليه في الآخر لما خلاص اشدت أذاه
واشدت فجوره و...و...و...إلخ.

فموسى -عليه السلام- استعمل معاه الحسنى
لفترة طويلة، بعد كده لما خلاص بلغ المنتهى
في الأذى دعا عليه، إذا احنا بنفارق بين اللي
اشدت أذاه وبين اللي مشدتش أذاه، ونفارق بين
أول أمره وآخر أمره، دي حاجات لازم تكون
واضحة عشان اللي بيتكلم كتير في القصة دي
يفهم إزاي النبي ﷺ كان بيتعامل وإزاي موسى
-عليه السلام- كان بيتعامل.

نوح -عليه السلام- دعا على قومه!

قال "رب لا تذر على الأرض من الكافرين
ديّارًا" لما قيل له لن يؤمن من قومك إلا من قد
آمن، تمام؟

يبقى المسألة الأولى للي بيتكلم على الموضوع
ده عنده مشكلة من وجهين، إنه هو أصلاً فاهم
موضوع تسامح النبي ﷺ ده غلط، واحنا قولنا
إن النبي ﷺ مش كل حاجة كان بيسامح فيها،
وكان بيشدد أحياناً وفرقنا إمتى كان بيسامح
وإمتى كان بيشدد.

والمسألة الثانية إن اللي بيتكلم مش واخد باله
إن فيه فرق بين النبي ﷺ وبيننا، ليه؟

النبي ﷺ لما بيُسَب في حياته بيبقى ده حقه
الشخصي، حقه هو الشخصي كونه يسامح فيه
أو ميسامحش فيه، حاجة ترجعله، لكن أنا
كواحد بعد موت النبي ﷺ أنا لا أملك إن أنا

أسامح نيابةً عن النبي ﷺ، هذا حقه، وحقه هو حقه، وهو أصلاً لا يملك إن هو دلوقتي إنه يدفع أو يعف، وبالتالي احنا ندافع عنه ﷺ، وبالتالي لا يملك أحد الحق بأن يسقط حق النبي ﷺ في الإنتقام ممن أذاه.

أنتم عارفين إن في مسألة في الفقه دائماً بتتناقش وهي إن لو واحد مثلاً سب النبي ﷺ إيه حكمه؟

بإجماع العلماء يُقتل.. كان مسلم أو كافر وسب النبي ﷺ بإجماع العلماء يُقتل، مش دي المسألة، المسألة الثانية لو الشخص ده تاب وندم هل تُقبل توبته أم لا؟

يعني هل يُقتل أم لا؟ إنتو متخيلين العلماء بيتكلموا في إيه؟

بيتكلموا لو تاب!

مش بيتكلموا في المَصِر، ما هو المَصِر ده
هما متفقين إن هو يُقتل خلاص، إنما لو تاب
يُقتل برده ولا لا؟ ممكن واحد يقول لا لا
مُقتلش خلاص ما هو تاب!

المسألة دي فيها خلاف بين العلماء، الإمام
مالك والإمام أحمد يرى أنه يُقتل ولو تاب!
الإمام الشافعي وأبو حنيفة بيقلوا لا مُقتلش،
هما اختلفوا ليه؟

قالوا إن المسألة دي فيها حقين،

الحق الأول: هو حق الله تعالى.. وحق الله
تعالى يسقط بالتوبة، خلاص ربنا يسامح في
حقه.

الحق الثاني: حق النبي ﷺ وحق النبي ﷺ لا

يسقط، لأن حقه يسقط به هو!

وهو الآن غير موجود..

وبالتالي مینفعش إن احنا نملك إن احنا نسقطه،

فلا بد اللي سبَّ النبي ﷺ يُقتل ولو تاب!

وبإذن الله هو يوم القيامة بقى هو يتغفرله أو

میتغفرلوش دي حاجة ترجع لله سبحانه

وتعالى، لكن احنا منملكش ذلك...

أنا عايز بس أوريك المسألة عشان تفهم إن

احنا بنفرق بين أنا في تعاملي في سبَّ

النبي ﷺ، وبينه هو ﷺ لما تعامل مع من سب

نفسه ﷺ.

طيب المحور اللي بعد كده في كلامي النهاردة

لما بشوف تفاعل الرب -سبحانه وتعالى- مع

أي إيذاء للنبي ﷺ ده بيحسبك إن قد إيه هو
الموضوع كبير، الموضوع خطير، الموضوع
ميتسكتش عليه، والموضوع مينفعش يعدي
كده!

أنا أستغرب إن فيه ناس ريلاكس أوي مع
القصة دي وهادي جدًا وعنده تسامح غير
عادي!

أنا عايزك بس تتأمل ربنا -سبحانه وتعالى-
كيف كان يتعامل مع إيذاء النبي ﷺ، أنا هقول
لك آيات وبعد كده هقول لك مواقف عجيبة
جدًا..

قال الله تعالى ﴿وَالَّذِينَ يُؤْذُونَ رَسُولَ اللَّهِ لَهُمْ
عَذَابٌ أَلِيمٌ﴾

وقال الله في قوم هَمُّوا بقتل النبي ﷺ وَهَمُّوا
بِمَا لَمْ يَنَالُوا وَمَا نَقَمُوا إِلَّا أَنْ أَغْنَاهُمْ اللَّهُ
وَرَسُولُهُ مِنْ فَضْلِهِ فَإِنْ يَتُوبُوا يَكُ خَيْرًا لَهُمْ
وَإِنْ يَتَوَلَّوْا يُعَذِّبْهُمْ اللَّهُ عَذَابًا أَلِيمًا فِي الدُّنْيَا
وَالْآخِرَةِ وَمَا لَهُمْ فِي الْأَرْضِ مِنْ وَلِيٍّ وَلَا
نَصِيرٍ

لما النبي ﷺ كان يتأذى.. الله - سبحانه وتعالى -
كان ينزل آيات شديدة جدًا، طيب أنا مش
هقول لك آيات نزلت في اللي سب النبي ﷺ
وابو لهب وابو جهل والكلام ده..

لا ده أنا هقول لك حاجة أعجب من كده بكثير،
ما النبي ﷺ اتأذى من أقرب الناس ليه!!!

لما بس حصل إيذاء غير مقصود من أبي بكر
وعمر لما رفعوا صوتهم كده بس وهم واقفين
كانوا بيتكلموا هم الاثنين مع بعض مش

بيكلموا النبي ﷺ لا هم بيكلموا مع بعض بس
صوتهم علي شوية، فلما صوتهم علي شوية
ربنا -سبحانه وتعالى- أنزل آيات بيحذرهم
ميعملوش كده تاني ﴿يَا أَيُّهَا الَّذِينَ ءَامَنُوا لَا
تَرْفَعُوا أَصْوَاتَكُمْ فَوْقَ صَوْتِ النَّبِيِّ وَلَا
تَجْهَرُوا لَهُ بِالْقَوْلِ كَجَهْرِ بَعْضِكُمْ لِبَعْضٍ أَن
تَحْبَطَ أَعْمَالُكُمْ وَأَنتُمْ لَا تَشْعُرُونَ﴾

يبقى ربنا هدد أبي بكر وعمر إن لو تكرر
منكم هذا الفعل قد يحبط العمل.

عشان كده ابن أبي مليكة يقول كاد الخيران أن
يهلكا يعني أحسن اتنين فينا كانوا هيضيعوا
بسبب رفع أصواتهما أمام النبي ﷺ، ده موقف
يعني، إذا ده رد الله -سبحانه وتعالى- على أبي
بكر وعمر لما أذوا النبي ﷺ.

خد بقى الموقف الثاني، لما الصحابة -رضي الله عنهم وأرضاهم- كانوا أذوا النبي ﷺ بحاجة هستغربها..

إن هم كانوا ييجوا أحياناً للنبي ﷺ كان يدعوهم، يعني يدعوهم لإيه؟

يدعوهم لطعام مثلاً، فكان اللي بيحصل إن الصحابة كانوا يبيجوا بدري شوية، ويقعد ويأكل وبعد كده يطول في القعدة وبعد كده يمشي، فكان النبي ﷺ يستحي إن هو يقول لهم امشوا ويعني البيت ضيق وظروف ومش فاضي وكده فكان بيصيبهم ﷺ وهو في نفسه متضايق شوية، فتنزل آيات رهيبة جداً: ﴿يَا أَيُّهَا الَّذِينَ آمَنُوا لَا تَدْخُلُوا بُيُوتَ النَّبِيِّ إِلَّا أَنْ يُؤْذَنَ لَكُمْ إِلَى طَعَامٍ غَيْرَ نَاطِرِينَ إِنَاهُ وَلَكِنْ إِذَا دُعِيتُمْ فَادْخُلُوا فَإِذَا طَعِمْتُمْ فَانْتَشِرُوا وَلَا

مُسْتَأْنِسِينَ لِحَدِيثٍ ۚ إِنَّ ذَلِكُمْ كَانَ يُؤْذِي النَّبِيَّ
فَيَسْتَحْيِي مِنْكُمْ ۖ وَاللَّهُ لَا يَسْتَحْيِي مِنَ الْحَقِّ ۝

الموقف الثالث، الموقف ده رهيب جدًا الموقف
ده مش هقولك أبو بكر وعمر ولا الصحابة لا،
ده موقف من أحب الناس إلى الرسول ﷺ، مين
أحب الناس إلى الرسول ﷺ؟ لا شك أنها عائشة
-رضي الله عنها- أحب الناس إلى النبي ﷺ.

حصل إن عائشة وحفصة عملوا موقف كده
مع النبي ﷺ من باب الغيرة، يعني كانوا
بيغيروا عليه وعملوا موقف يطول شرحه
وربنا ذكره في أول سورة التحريم، وطبعًا ده
شغل بقى زوجات بتغير على زوجها فعملت
حركة كده، لكن ده النبي ﷺ مينفعش يتعمل
معاه كده، يعني مهما كان مينفعش يتعمل معاها
إن حد يحاول يقول كلام علشان يكرهه في

حاجة أو يكرهه في حد، لا مینفعش مع
النبي ﷺ إنه يتعمل معاه كده.

طيب الموضوع يعدي عادي خلاص مع
عائشة وحفصة والموضوع يعدي؟

لا ميعديش، ربنا سبحانه وتعالى أنزل آية والله
العظيم مخيفة!

اللي يشوفها يقول إن هي نزلت في ابو جهل
مثلا، وهي نازلة في حفصة وعائشة علشان
بس موقف كده عملوه مع زوجهم.

وقال الله تعالى: ﴿إِنْ تَتُوبَا إِلَى اللَّهِ فَقَدْ صَغَتْ
قُلُوبُكُمَا﴾ وَإِنْ تَظَاهَرَا عَلَيْهِ فَإِنَّ اللَّهَ هُوَ مَوْلَاهُ
وَجِبْرِيلُ وَصَالِحُ الْمُؤْمِنِينَ وَالْمَلَائِكَةُ بَعْدَ ذَلِكَ
ظَهِيرٌ ﴿

تظاهر مش یعنی هیشتموه، مش هیضربوه
مش ده بس موقف كده بین واحدة وجوزها
یعني عادي، لأ ربنا قال إيه؟ "وَإِنْ تَظَاهَرَا
عَلَيْهِ" إيه اللي هیحصل یارب؟

بص بقى لو حصل كده هیحصل إيه؟

"فَإِنَّ اللَّهَ هُوَ مَوْلَاهُ وَجِبْرِيلُ وَصَالِحُ
الْمُؤْمِنِينَ وَالْمَلَائِكَةُ بَعْدَ ذَلِكَ ظَهِيرٌ"

كل ده علي السيدة عائشة والسيدة حفصة؟

كل ده عشان موقف غيرة بينها وبين جوزها؟

آه، فَإِنَّ اللَّهَ هُوَ مَوْلَاهُ وَجِبْرِيلُ وَصَالِحُ
الْمُؤْمِنِينَ وَالْمَلَائِكَةُ بَعْدَ ذَلِكَ ظَهِيرٌ، شوف بقا
لما ربنا سبحانه وتعالى مقالش والمؤمنين،
علي فكرة ده قال وصالح المؤمنين، كأن

المعني إنه لن يتفاعل مع إيذاء النبي ﷺ وينتقم له ويرد عنه ويذب عنه إلا صالح المؤمنين!

ودي من الحاجات اللي هنقولها، دي من الحاجات اللي بنطلع بيها من الازمة دي، إن إحنا بنعرف مين هما صالح المؤمنين اللي بيتفاعلوا مع إيذاء النبي ﷺ، كل الكلام ده علي عائشة وحفصة، سبحان الله!

لما تشوف بقا قول الله تعالى فاليهود مثلاً كانوا أحياناً يَلُومُوا ألسنتهم ببعض الكلام كده عشان يؤذوا النبي ﷺ، ربنا قال: *﴿مَنْ أَلْزَمَ هَادُوا يُحَرِّفُونَ الْكَلِمَ عَنْ مَوَاضِعِهِ وَيَقُولُونَ سَمِعْنَا وَعَصَيْنَا وَأَسْمَعُ غَيْرَ مُسْمِعٍ وَرَاعِنَا لِيَّا بِالسِّنْتِهِمْ وَطَعْنَا فِي الدِّينِ وَلَوْ أَنَّهُمْ قَالُوا سَمِعْنَا وَأَطَعْنَا وَأَسْمَعُ وَأَنْظُرْنَا لَكَانَ خَيْرًا لَهُمْ وَأَقْوَمَ وَلَٰكِنْ لَعَنَهُمُ اللَّهُ بِكُفْرِهِمْ فَلَا يُؤْمِنُونَ إِلَّا قَلِيلًا﴾*

مقلش طعنًا في الرسول ﷺ، كأن المقصود من الآية إن الطعن في الرسول ﷺ هو في الحقيقة طعن في الدين، ولذلك أنا لما بدافع عن النبي ﷺ أنا مش بدافع عن شخص عادي أنا بدافع عن الدين كله؛ لأن هدف الشخث الذي يسب النبي ﷺ مش لشخص النبي ﷺ بقدر ما يهدف إلي إسقاط الدين من نفوس الناس وتحذير غير المسلمين من الدخول في الإسلام، لذلك الصحابة -رضي الله عنهم- لما فهموا هذا المعني كانوا من أشد الناس دفاعًا عن عرض النبي ﷺ.

معاذ بن عمرو بن الجموح، والمعوذ بن عفراء، لما وقفوا في غزوة بدر سألوا عثمان بن عفان: يا عم ياعم اين ابا جهل؟

فقال: ماذا تريدان منه، فقال: سمعنا أنه يسب
النبي ﷺ، فقال معاذ:

والله لا يفارق سوادي سواده حتي يموت
الأعجل منا!

يعني مش هسيبه إلا لما أقتله!

وهذا حمزة حتي قبل إسلامه ضرب ابو جهل
كما تعلمون لمّا سب النبي ﷺ، وقال أتسب
محمد وأنا علي دينه؟!

وكذلك النبي ﷺ كان يأذن لحسان بن ثابت
ويفرح إن حسان بن ثابت يدافع عنه ويذب
عنه، وكان حسان بن ثابت يقف لكل ساب
للنبي ﷺ بالمرصاد وكان يكتب فيهم الاشعار
ويهجوهم، وكان النبي ﷺ يحث علي ذلك قائلاً:
اهجهم وروح القدس معك!

فكان حسان يقول أبيات راقية هجومًا وردًا
علي من سب النبي ﷺ، فيقول:

هجوت محمداً فأجبت عنه

وعند الله في ذلك الجزاء

اتهجوه ولست له بكفاء

فشركما لخيركما الفداء

هجوت مباركاً برا حنيفاً

أمين الله شيمته الوفاء

فمن يهجو رسول الله منكم

ويمدحه وينصره سواء

فإن أبي ووالده وعرضي

لعرض محمد منكم وقاء

فإن ابي ووالده وعرضي

لعرض محمد منكم وقاء

بهذا تفاعل الصحابة مع سب النبي ﷺ؛ لأن ده
دين محمد، النبي ﷺ يمثل الدين، فسبّه طعنًا في
الدين

كما قال النبي ﷺ وده بينقلني لنقطة جميلة
تانية، أنا بحاول اجمع نقط مختلفه عشان نطلع
بأكبر فايده ممكنة من اللايه ده.

بننتقل لنقطة مهمة أوي بعنوان:

إنما الصُّرَاخ على قدرِ الألم!

بمعنى إيه؟

بمعنى إن حملات السبِّ المُنَهْجَة دي
والتشوية وحملات الطعن في النبي ﷺ بالكتابة
والرسم، وفي فرنسا والتأييد العالمي للموضوع
ده..

ألا يدلّك ذلك على شيء؟

يدلك على شيء خطير جدًّا وواضح جدًّا،
القاعدة بتقول الصراخ على قدر الألم، أنت
عارف لو الإسلام مش عامل جو ولا بيأذي
ولا مخوّف الناس ولا أي حاجة هتلاقي الناس
مفيش أي حاجة .. عادي .. مش مهم .. مش
هيتفاعلوا، لكن سبحانه الله رغم تقصيرنا
ورغم إن إحنا مش بنعمل أي حاجة إلا إن الله
-سبحانه وتعالى- ينصر دينه، الإسلام بينتشر
بطريقة غير عادية في أوروبا وفي أمريكا!

بل في غير المسلمين في بلاد الإسلام نفسها!

والوقائع كثير والأرقام لا تُعد ولا تُحصى!

والناس مرعوبة وبيتكلّموا في إن الدين
الإسلامي في خلال عشرين سنة من الآن إذا
لم يُتدارك هذا الأمر فإنه سيصير الدين رقم
واحد في أوروبا!

أنا لما بشوف كده بعرف إن الألم شديد،
والصراخ على قدر الألم، فهنقول: "قُلْ مُوتُوا
بِغَيْطِكُمْ"

وده دليل على خوفهم كمان من عودة المسلمين
يعني هما هدفهم من سَبِّ النبي ﷺ ترهيب غير
المسلم أن يُسلم، وإضعاف المسلم نفسه ويخلي
النبي ﷺ يهون عليه، وبالتالي يضمّن إن
المسلمين ميرجعوش لدينهم، ف إذا هما كمان

حاسين أن هناك صَحوة ما في الطريق،
والشباب يحملون الهم ويدافعون عن الدين
ويطالبون العلم ويلتزمون بالسنة، وفيه صَحوة
سبحان الله يشعرون بها..

فلأجل هذين السببين خوف من دخول غير
المسلمين في الإسلام وخوف من عودة المارد
الإسلامي إلى الساحة وعودة شباب تحمل هم
هذا الدين فهذه الحملات تزيد..

وكل ما تزيد إعرف إن المُحَوِّرين دول شغالين
جامد، غير المسلمين يدخلون في الإسلام،
المسلمين بيزدادوا صحوة.. هما حاسين فعلاً..

حتى لو إحنا حاسين الواقع مختلف بس هما
حاسين إن هناك صَحوة ما، ونحن بفضل الله
كدُعاة وناس عايشين وسط الشباب نرى هذه
الصَّحوة بفضل الله سبحانه وتعالى.

ننتقل للمحور اللي بعد كده، هذه الأحداث لها هدف ولا شك أن الله سبحانه وتعالى له حكمة في كل ما يصنع سبحانه وتعالى، من أهداف هذا الأمر إحياء هذه القضية في الناس مرة بعد مرة، أحياناً هناك أمور الإنسان مبيأخدش مناعة إلا بالألم منها، أنتم عارفين إحنا بناخد ليه فاكسين؟ بناخد ليه تطعيم؟ هو التطعيم ده أصلاً عبارة عن إيه؟

عبارة عن أجساد مُضرة بتؤلم الإنسان.. بيتألم، بيقد فترة متألم لغاية ما الجسم يتفاعل معاها وبعد كده بيبقى كويس، فأحياناً بيأتي الخير من الضرر!

أحياناً مبيحصلش مناعة للأمة وقُوة للأمة، إلا ببعض الأجساد الضارة!

فعلى مثل هذا، سبُّ الرجل زكريا دنه أو غيره
عامل زي التطعيم كده، جسم ضار دخل في
جسمنا، حاجة مؤذية تأذينا منها قطرة!

بس كل مرة بنقوى ونزداد مناعة.. والأمة
تتحسن، شباب يرجع، بتسمع كلام جميل لما
تسأل الشباب إزاي تتصروا النبي ﷺ، أنا
شوفت يوتيوبرز محتواهم كله "لامؤاخذه" تافه
ملوش قيمة، بل أحياناً محتواهم مُحَرَّم تمامًا،
تفاعلوا جدًا جدًا مع الحدث ده، وده خير، دول
ليهم ملايين بيسمعوهم، الفيديوهات يا جماعة
يعني أقل فيديوهات هي بتاعتنا إحنا،
الفيديوهات بتاعتهم ملايين المشاهدات وهُم
يدافعون عن النبي ﷺ، والله حاجة جميلة، تُشكّر
لهم، طب واحدة مع واحدة بإذن الله سبحانه
وتعالى نجد ناس تحس بأهمية إن يكون

الموضوع ده هو شغلهم الشاغل (اهتمامهم
بالنبي ﷺ)، الحاجة اللي بعد كده إن هذه المحنة
دائمًا بتُمَحِّص الناس، أنا بقول دائمًا لكل الناس
أبحث عن قلبك في المحنة!

يعني لما حصل الموضوع ده بغض النظر عن
رد فعلك، قبل رد فعلك أين قلبك؟ سيبك من
رد الفعل دلوقتي، أين قلبك؟

حسيت بايه لما سمعت الموضوع، تفاعلت
إزاي يعني قلبك شعر بايه؟

هل شعرت بآلم؟

هل شعرت بغیظ؟

هل شعرت برغبة في البكاء؟

هل شعرت بالأسف إنك عاجز؟

هل شعرت بنكد إنك أنت مش عارف تعمل
حاجة؟

دي لوحدها كبيرة أوي عند ربنا، عجزك..
إحساسك بيه.. تأسفك عليه.. كبير عند ربنا.

ربنا نقل مشهد (عجز) قبل كدة، لِيُبَيِّنَ قدر ما
في قلوب الناس.. وإن عجزوا!

ربنا -سبحانه وتعالى- قال في غزوة تبوك
الناس اللي ملقوش حاجة يركبوها، ربنا حكى
الموقف ده رغم إنه موقف ممكن يعدي، قال:
(وَلَا عَلَى الَّذِينَ إِذَا مَا أَتَوْكَ لِتَحْمِلَهُمْ قُلْتَ لَا
أَجِدُ مَا أَحْمِلُكُمْ عَلَيْهِ تَوَلَّوْا وَأَعْيُنُهُمْ تَفِيضُ مِنَ
الدَّمْعِ حَزَنًا أَلَّا يَجِدُوا مَا يُنْفِقُونَ)

ليه ربنا ينقل مشهد زي ده يعني؟

مشهد عادي، يعني خلاص تعالوا تركبوا معانا
ماشى، أصل معندناش حاجة نركبكم رَوْحوا،
خِلَصْت فيها إيه بقى؟

لأ ده المشهد ده يتنقل عشان كل مَن وراء
هو لاء يَعْرِف أن الله يطلع على القلب أولاً،
يرى في قلبك رغبةً فعلاً، وصدق فعلاً في
نُصرة النبي ﷺ، يرى أَلَمْ فعلاً، يرى تفاعل
حقيقي.. دي لوحدها كفاية حتى لو عملتش
حاجة، بغض النظر أنت في إيدك حاجات
تعملها ولا لأ، بس لو عاجز عن كل شيء..
دي كبيرة عند ربنا

ولو ملقتش حاجات تعملها بردو كبيرة عند
ربنا!

طيب لو ربنا ملقاش في قلبك أي حاجة
خالص؟ ولا تفاعل؟ ولا أسف؟ ولا حزن؟
ولا..ولا..ولا..

برضو دي كبيرة عند ربنا!

ربنا قال في سورة الأنفال: ﴿إِنْ يَعْلَمِ اللَّهُ فِي
قُلُوبِكُمْ خَيْرًا يُؤْتِكُمْ خَيْرًا مِّمَّا أُخِذَ مِنْكُمْ وَيَغْفِرَ
لَكُمْ ۖ وَاللَّهُ غَفُورٌ رَحِيمٌ﴾

أهم شيء أن يرى الله منا خير بس، دي أهم
حاجة.

أولاً: أن يرى في قلبك خيراً، ثم تُعبر عن اللي
في قلبك بفعل، وأن يرى في فعلك خير.

خليني قبل ما أقولكم بعض الأفعال أنقل لكم
بعض الشجون وسامحوني..

كل التفاعل ده مع إيه؟

سب النبي ﷺ ده محور جديد هتكلم فيه دلوقتي،
سَبُّ النبي ﷺ رغم أنا بستغرب إن إحنا في
شوارع المسلمين، في كل شوارع المسلمين
يُسب الدين، إحنا قولنا إن دفاعنا عن النبي ﷺ
عشان ده يُمثل الدين فسبّه سبٌ للدين..

إحنا الدين بيتسب بالفعل في بلاد المسلمين،
صباح مساء، في كل خناقة، على المقاهي،
أمام المباريات، حتى بالهزار يُسب الدين، ليه
إحنا مش بنعمل حملة عالموضوع ده، ليه مش
بنغضب لحاجة زي كدة؟!!

إذا كنت غضبت النبي ﷺ إن هو يُمثل الدين
طب ما الدين كله بيتسب قدامك، بل سب الدين
بقى على لسان الأطفال كمان، أقسم بالله
سمعت عيل عنده ست سنين بيشتتم عيل عنده
أربع سنين بيسبله الدين، أنا توقفت من الذهول

ومسكت الولد بهزه وأقوله أنت يابني مين
علمك كدة؟!!

إزاي تقول كدة أنت مسلم يابني، أنت لازم
تحب دينك، إزاي تشتم دينك، الولد حسيت إن
هو عادي يعني في إيه يا شيخ، إيه؟ إيه؟

مش الدين بس، ده ربنا بيتسب علنا، في ناس
بتوصل إن هي تسب الله -سبحانه وتعالى- إذا
غضبت وبعدين؟

طب إحنا مستنيين إيه؟

مستنيين إيه؟

إذا كان المسلم بيسب دينه، والكافر لما يشوف
المسلمين يسبوا دينهم خلاص يروح يسب اللي
هو عايزه في ديننا بقى، ما دول مش هيعملوا
حاجة، أنا لو سبتلهم رسولهم أو سبتلهم دينهم

مش هيعملوا حاجة، هما نفسهم بيسبوا دينهم،
يبقى أنا بالتالي إيه الجديد، أنا عملتش حاجة
أنا عملت زيهم..

مش حاجة تكسف؟

مش حاجة تخليك كدة تحس بالمهانة؟

إحنا نفسنا بنسب ديننا، إحنا بنسب ربنا!

(نسأل الله السلامة والعافية نعوذ بالله من ذلك)

مستني إيه؟

هل ده جيل متوقع منه إيه لما يسمع سب
النبي ﷺ؟

خلاص لا يُبالي عادي؟

(نسأل الله السلامة والعافية)

إحنا في واقع.. إحنا أمة هزمت نفسها قبل ما
تتهزم..

(يوشك أن تداعى عليكم الأمم، كما تداعى
الأكلة إلى قصعتها، قالوا أومِن قلةٍ نحن يا
رسول الله؟

قال: لا ولكنكم يومئذٍ كثير، ولكنكم غثاء كغثاء
السيل، ولينزعن الله المهابة من قلوب أعدائكم
وليقدفن في قلوبكم الوهن. قيل وما الوهن؟
قال: حب الدنيا وكراهية الموت)

الأمة فيها الآن من يطعن في الدين نفسه من
يستهزئ من شعائر الإسلام من يعلن إلحاده
صراحة وعنا على الملأ ومن يصرح بشذوذه
ومن يستهزئ بمظاهر التدين وفجور غير
طبيعي في إظهار العورات والفتن والمجون
ولو نظرنا للواقع الذي :

✗ يقتل فيها الرجل أمه وأباه

✗ يقتل صاحبه

✗ المخدرات حدث ولا حرج

✗ خطف النساء والأطفال

✗ التحرش والزنا واغتصاب البنات

✗ تحكيم القوانين الوضعية والربا والفواحش

كل هذا موجود في هذه الأمة التي تريد الآن
الدفاع عن النبي

فأنت تريد نصره النبي إذا عليك بمعرفة ﷺ

كيف تجد قلبك صراخهم على قدر الألم و دليل
إن هذه الأمة فيها خير وما زال فيها خير (لا
يزال الله يغرس في هذه الأمة غرسا)

والمفروض تعرف أنت تعمل إيه منهم هم لها

[1] تحويل الغضب والتفاعل ده إلى تطبيق عملي دي أكثر حاجة تغزيهم .

[2] يشوفوا إنتشار الإسلام في بلادهم ووصلوا لمرحلة في ألمانيا وفرنسا إن واحد ماشي في الشارع طعن واحدة محبة طب عملت إيه؟ منظرها يغزيه فكرة إن في مسلمين عاملهم قلق ومشكلة مثلاً يقولك قتل مسلم بسبب إظهار شعائر الإسلام فرد فعلهم تقولك أكثر حاجة تغزيهم .

[3] أكثر حاجة تغزيهم إنهم يشوفوا الحجاب واحد مسلم طلع في برنامج يقول شاف (مشهد صادم) مثلاً أولاد يصلوا مع معلمهم في

المدرسة وكأن ده الإرهاب والمشاهد
الصادمة !!

كيف سانتقم ؟!

✳ كل شئ في الإسلام نطبقه.

✳ كل حديث نحفظه ونطبقه.

✳ كل آية نحفظها ونطبقها.

✳ كل عاص يتوب إلى الله.

✳ كل مظهر للإسلام يعلوا وينتشر.

✳ طلبك للعلم واجتهادك في تطبيق العلم.

✳ دعوتك للشباب والأمر بالمعروف والنهي
عن المنكر.

✧ هجر المحرمات من أفلام ومسلسلات وأغاني.

✧ تعليم القرآن للناطقين بالعربية وغير الناطقين بالعربية وكذلك للأطفال وتبث فيهم القضية وغرس الإيمان فيهم مع استمرار حملات الضغط المحلي والعالمي.

✧ الإنفاق في سبيل الله وإظهار السنة في كلامك وصلاتك ومشيتك

كل ذلك يدخل تحت نصره النبي وفي حاجات كثير أنكى وأغيط لهم لو نعقل فإذا أردنا نصره النبي فهذا هو السبيل . 

**سبحانك اللهم وبحمدك أشهد أن لا إله إلا أنت
أستغفرك وأتوب إليك..**

